

## KNI A/S-imi siulersuisuini suleriaaseq

### KNI A/S

#### (A/S 209 713)

#### § 1

##### Suleriaatsip siunertai tunngaviilu

Suliffeqarfiup illersorneqarsinnaasumik aqunneqarneranut naleqqiullugu siulersuisuni pisinnaatitaaffiit pisussaaffiillu aalajangersarnissaat suleriaatsimi siunertaapput.

Aktianik piginneqatigiilluni ingerlatsinermut inatsimmi § 11 naapertorlugu siulersuisuni pingaarnertut anguniagassat tassaapput suliffeqarfimmi pingaarnertut periusissiamillu tunngaveqarluni aqutsineq kiisalu suliffeqarfiup aaqqissuussaananerata imminut illersorsinnaasumik ingerlanneqarnissaa.

Siulersuisuni ilaasortat ataasiakkaat tamarmik pisussaaffigalugulu pisinnaatitaaffigaat suleriaatsip imarisaanik ilisimasaqarnissartik taakkuninngalu eqqortitsineq. Suleriaatsip allassimaffia siulersuisuni ilaasortanit tamanit atsiorneqassaaq.

Siulersuisuni ilaasortaq pisortatullu inissisimasoq kinaluunniit kiisalu suliffeqarfiup kukkunersiuisua, suleriaatsit allassimaffiannik aammalu suliffeqarfiup ileqqoreqqusaanik pisortaqaqfimmullu siulersuisut ilitersuusiaannik tunineqartussaapput.

Aktianik piginneqatigiilluni ingerlatsinermut inatsimmi § 130 aammalu suliffeqarfimmi ileqqoreqqusani § 11-mi imm. 11.3 naapertorlugit suleriaaserineqartussaq pilersitaavoq. Suleriaatsit allassimaffiat aamma pilersinneqarpoq Namminersorlutik Oqartussat suliffeqarfiutaanni Naalakkersuisut Ingerlatseqatigiiffiit aqutsilluarnissaannut najoqtassiaat tunngavigalugu.

Piginneqatigiilluni ingerlatsinermut inatsimmi ileqqoreqqusanilu piffissarititaasut allassimasut malillugit, suleriaasissaq Inuussutissarsiornermut Aqutsisoqarfimmut nassiuunneqarsimasussaavoq. Suleriaasissami allanguineqartillugu aamma taamaappoq.

Suliffeqarfimmi siulersuisuni ataatsimiinnerit tamaasa suleriaatsip allassimaffia inimi ataatsimiiffimmiitinneqassaaq.

#### § 2

##### Siulersuisut inissitsiternissaat ataatsimiittarnissaallu:

Ukiut tamaasa ataatsimeersuareernerup kingorna siulersuisut inissitsiterniarlutik katersuuttassapput.

Siulersuisut inissitsiterlutik ataatsimiinneranni siulittaasup tullianik ukiut tamaasa toqqaaneqartassaaq.

Siulittaasup peqataaffigisinnaanngisaani siulittaasup tullia siulittaasut inissittassaaq.



Siulersuisuni siulittaasoq ataatsimiigiaqqusippat, imaluunniit ikinnerpaamik siulersuisuni ilaasorta qataaseq imaluunniillu pisorta qalajangersimasumik oqaluuserisassaqtitsilluni ataatsimiigiaqqusinisamat piunasaqarpat, siulersuisuni ataatsimiinneqassaaq. Ataatsimiigiaqqusissummilu siunnersuummut oqaluuseritinniakkamut tunuliaqutaasoq, allaganngorlugu nassuiaateqarfigalugu, siulittaasumut nassiunneqassaaq.

Ikinnerpaamik ukiumut sisamariarluni ataatsimiinneqartassaaq, makkualu ataatsimiissutigineqartassapput:

- Ataatsimeersuarnissamat piareersaataasumik ataatsimiinneq, ukiumut nalunaarutip sammineqarnera akuersissutiginerulu kiisalu siulersuisut naliliinerat ilanngullugu.
- Ukiumut ataatsimeersuareernerup kinguninngua inissitsiterluni immaqalu aalajangersimasumik sammisaqarluni ataatsimiinneq.
- Ukiup affaanut nalunaarut aamma periusissiorneq pillugit ataatsimiinneq.
- Missingersuusiorneq pillugu immaqalu suliassanut pilersaaruserluni ataatsimiinneq.

Siulersuisuni ataatsimiinnissat siulersuisuni siulittaasup imatut akuttussusilinnik imatullu piffissalermanissaat isumagissavaa, ukiup ingerlanerani suliffeqarfiup ingerlatsinerata sammineqartarnissaa aammalu ataatsimiissutigineqartussanut piffissaliussanut naapertuuttunngorlugit ingerlatassanngortitassallugit.

### § 3

#### **Siulersuisuni ataatsimiinnissanut aggersaanerit:**

Siulersuisuni siulittaasoq ataatsimiigiaqqusisuussaaq, taamaaliernerminilu tunngavilersukkamik oqaluuserisassat kiisalu oqaluuserisassani immikkoortut oqaluuserinissaannut pisariaqartitsinikkut allaganngorlugit nassuiaatit, ataatsimiigiaqqusissummi ilaassapput. Kiisalu oqaluuserineqartussat sapinngisamik annertunerpaamik siulersuisuni ilaasortanut paasissutissiinernut tunuliaqutigineqartunik ataatsimiigiaqqusissut malitseqartinneqassaaq.

Siulersuisuni ataatsimiinnermi oqaluuserisassani immikkoortut kingullersaanni tullianik ataatsimiinnissamat ataatsimiigiaqqusisoqartassaaq. Ataatsimiinnermi kingullermi tullianik ataatsimiinnissaq isumaqatigiissutigineqarsimanngippat, immikkullu ittumik pisoqarneratigut siusinaarnerusumik ataatsimiigiaqqusinisssaq pisariaqanngippat, sivikinnerpaamik sapaatip akunneranik sioqqutsilluni siulittaasoq ataatsimiigiaqqusissaaq.

Ataatsimiigiaqqusinnermi oqaluuserisassat allassimaffiat ilanngunneqassaaq.

Sumi ataatsimiinneq ingerlanneqassanersoq siulersuisut namminneerlutik aalajangissavaat, kisiannili ataatsimiinnermut aningaasartuutissat aammalu piareersaatissat sapinngisamik annikinnerpaaffiannitinniarneqartassapput.

Siulersuisut ataatsimiigiarlutik angalanerinit, najugaqarnerinit, ullormusiaannut il.il. aningaasartuutit malittarisassat aalajangersarneqarsimasut malillugit suliffeqarfimmit matussuserneqassapput.



Oqarasuaatikkut imaluunniit elektroniskimik attaveqaatitigut siulersuisuni ataatsimiittoqarsinnaavoq. Taamatut ataatsimiittoqartillugu suleriaasissani naammassineqartussat ilaat, soorlu kingullermik ataatsimiinnermi imaqarniliap akuersissutigineqarnissaa, kukkunersiuisut oqaaseqaataannut atsiorneq il.il., tullianik najuuffigalugu ataatsimiinnissamut kinguartinneqarsinnaapput.

#### § 4

##### **Siulersuisuni ataatsimiinnerit aqunneqarneri aalajangiinnaassuserlu:**

Ataatsimiinnerit siulersuisuni siulittaasumit aqunneqassapput.

Siulersuisuni ataatsimiinnerni tamani oqaluuserisassat ikinnerpaamik ukuninnga immikkoortulersugaassapput:

1. Kingullermik ataatsimiinnermi imaqarniliap (siulersuisuni allattaavissuup) akuersissutigineqarlunilu atsiorneqarnera. Aamma taamatut iliortoqassaaq oqarasuaatikkut imaluunniit elektroniskimik siulersuisuni ataatsimiinneqarsimatillugu.
2. Kukkunersiuisuniit oqaaseqaatip atsiorneqarnera.
3. Siulersuisut siulittaasuannit nalunaarutit.
4. Pisortap nassuiaataa.
5. Siusinnerusukkut siulersuisuni aalajangerneqartarsimasunik malittarinninnerit.
6. Missingersuutitut naleqqiullugit piffissami aalajangersimasumi kingullermi naatsorsuutit, suliffeqarfimmi akiliisinnaassuseqarneq pillugu pissutsit aningaasaqarnermut attuumassutillit, aningaasaatit ingerlaarnerat, nalaannerlunneqaataasinnaasut akiitsullu pillugit pisusaaffiit ilanngullugit.

Kiisalu: Tullianik ataatsimiinnissaq aamma Tamalaat.

Ukiup ingerlanerani piffissalersukkanik siulersuisuni ataatsimiinnerit, sammisaq sunaassanersoq apequtaatillugu, immikkoortunik makkuninnga aamma ilaqartinneqassapput:

7. Ukiumut nalunaarutip sammineqarnera naatsorsuutillu pillugit ilisimatitsinerit.
8. Ukiup affaanut naatsorsuutit sammineqarneri.
9. Kvartal-ikkaartumik nalunaarutit sammineqarneri.
10. Missingersuutit aalajangersaaneq.
11. Nalunaarsuiffissanik pilersitsineq taakkunungalu allattuinnernut suliffeqarfiup malittarisasaanik nakkutilliineq aammalu tamanna inatsisini aalajangersakkat allattuiffissiami tassani naapertuuttumik ingerlanneqartarnersut ilanngullugit.
12. Nakkutilleeriaatsinik allanik sammisaqarnerit aammalu suliffeqarfiup pisortaanut ilitsersummut naleqqiullugu suliffeqarfiup ataatsimut aqqissuusaanera. Ukualu mininnagit taakkuinnaangitsulli.

- a. Aningaasanut attuumassutilinnik suliffeqarfiup isumaqatigiissutai, taarsigassarsineq, sippuilluni atuisinnaatitaanerit, taarsigassarsinermit tunuliaqutsiinerit assigisaallu ilanngullugit.
  - b. Akileraarnermut pissutsit suliffeqarfimmut attuumassutillit.
  - c. Suliffeqarfimmut risk management, sillimmasiinerit isumannaallisaanerillu pillugit politikki ilanngullugu.
  - d. Suliffeqarfiup inuttut attuumassutilinnut akisussaanerata, ingerlatseqatigiiffiup aqut-silluarnissaanut tassungalu assingusunut siulersuisuni aalajangersakkanut (compliance) naleqqiullugu, suliffeqarfiup aaqqissuussaana.
  - e. Suliffeqarfimmi pissutsit sulisunut attuumassutillit.
  - f. Suliffeqarfimmi pissutsit inatsisilerinermit attuumassutillit.
  - g. Pissutsit suliffeqarfiup avataaniittut, aningaaserviit, kukkunersuisut aammalu eqqartuussissuserisoq, ilanngullugit.
13. Suliffiit suliffeqarfissuup pigisai (suliffeqarfiutigisat il.il.)
14. Kalaallit Nunaanni Namminersorlutik Oqartussanut suliffeqarfiup kiffartuussinissamik isumaqatigiissutai.
15. Inuiaqatigiinnut imaluunniit inuiaqatigiinni aningaasarsiornermut pissutsit sunniuteqarsinnaasutut isumaqarfigineqartut sammineqarnissaat, ukualu mininnagit taakkuinnaanngitsulli ilanngullugit;
- a. Sulisunik suliunnaarsitsineq.
  - b. Suliffeqarfiup ilaanik matusinerit, immikkoortoqarfiuppata suliffeqarfiutigisaappataluunniit.
  - c. Ingerlatsineq annertunerusumik ingerlaqatigiissaagaq, nioqqutissamik pilersuinermit ajornakusoorutit annertunerusut ilanngullugit.
  - d. Akinik aningaasartuutinillu allannguinerit annertunerusut.

§ 4-mi pineqartut naapertorlugit ataatsimiigiaqqusineq piareerpat, ikinnerpaamik siulersuisuni ilaasortat affaat najuuppata, siulersuisuni aalajangiisinnaassuseqassaaq.

Siulersuisuni ilaasortat – allallu najuuttut – pissutsit imminut attuumassuteqarpallaartutut isumaqarfigigunikkut, tamanna piarnerpaamik siulersuisunut ilisimatitsissutigissallugu pisussaaffigaat.

Siulersuisuni ataatsimiinnermi aalajangigassat tamarmik ileqqoreqqusat atuuttut tunngavigalugit taasi-nermi amerlanerussuteqarnikkut akuerineqartassapput. Taasisut naligiippata siulittaasup taasinera aalajangiisuusaaq.

Siulersuisuni ataatsimiinnermi aalajangiiffigineqartut, siulittaasumit suliffeqarfiup pisortaqarfianut ingerlateqqinneqartassapput.

## § 5

**Aalajangiiffiusumik allattaavissuaq:**

Siulersuisuni ataatsimiinneq pillugu aalajangiiffiusumik imaqarniliortoqassasoq siulittaasup isumannaartussaavaa, siulersuisut akunnerminni isumaqatigiinniarneri aalajangiiffigineqartullu ilanngullugit.

Allattaavissuarmi makkua allassimassapput:

1. Ulloq ataatsimiiffik sumilu ingerlanneqarnersoq.
2. Ataatsimiinneq kimit aqunneqarnersoq.
3. Ataatsimiinnermi peqataasut kikkuuneri.
4. Oqaluuserineqartut kiisalu immikkoortuni ataasiakkaani siulersuisuni isumaqatigiinniutigineqartut aalajangiiffigineqartullu.
5. Tullianik ataatsimiinnissamat piffissaliunneqartoq sumiinnissarlu.
6. Allattaavissuarmut allattuisup kinaassusia.

Ilaasortat ataasiakkaat isummaminnik saqqummiussatik imaqarniliamut ilanngunneqarnissaat piumasarisinnaavaat.

Imaqarniliaq piaarnerpaamik, siulersuisunilu ataatsimiinnerup kingorna kingusinnerpaamik ullut 14-it qaangiuppata, siulersuisuni ilaasortanut nassiuunneqassaaq. Taamatullu pisoqarnissaa sioqqullugu imaqarniliap misissuataarnissaanut siulittaasooq periarfissinneqassaaq.

§ 4 naapertorlugu, kingullermik ataatsimiinnermi imaqarniliaq siulersuisuni ilaasortanit najuuttunit tamanit akuersissutigineqassaaq atsiorneqarlunilu.

Siulersuisuni ilaasortamit imaqarniliaq allatut isumaqarfigineqarpat, imaqarniliap tigungeraniit kingusinnerpaamik ullut 14-it qaangiuppata, tamanna siulersuisuni siulittaasumut ilisimatitsissutigineqassaaq.

Siulersuisuni ilaasortat ataatsimiinnermi peqataasimanngikkunik pisortaqaqfillu imaqarniliap imaa pillugu paasinnissimanertik imaqarniliami nalunaassavaat.

Aalajangiiffiusumik allattaavissuup siulersuisuni ataatsimiinnerit tamaasa ataatsimiiffimmiinnissaa siulersuisuni siulittaasup isumannaarsimassavaa.

Siulersuisuni ataatsimiinneq naammassilerpat, oqaluuserineqartuni immikkoortut suut aqutsisunut sulinullu ilisimatitsissutigineqassanersut, siulittaasup siulersuisunut siunnersuutigissavaa. Ilisimatitsisuusassarlu pisortaq.

Oqaluuserineqartut suliassartaasa suliaralugit isumaginissaat, allatseqarnissaa aammalu siulersuisuni aalajangiunneqartut aallartillugit suliarineqarnissaat, pisortap akisussaaffigai.

## § 6

### **Kukkunersiuisut oqaaseqaataat:**

Siulersuisuni ataatsimiinnerit tamaasa kukkunersiuisut oqaaseqaataat ataatsimiiffimmiitinnegassaaq. Kingullermillu ataatsimiinnerup kingorna oqaaseqaat ilaneqarsimappat, oqaaseqaammik takunnissimanerminnut uppersaatit siulersuisuni ilaasortat tamarmik atsiussapput.

Siulersuisuni ataatsimiinnerit tamaasa kukkunersiuisut oqaaseqaataasa ataatsimiiffimmiinnissaa siulersuisuni siulittaasumit isumannaarneqartassaaq.

## § 7

### **Suliffeqarfiup aqunneqarnera:**

Aktianik piginneqatigiilluni suliffeqarfinnik ingerlatsinermut inatsit ileqqoreqqusallu naapertorlugit, siulersuisut pisorta qarfillu suliffeqarfiup ingerlataanik tamanik aqutsisuussapput. Aamma suliffeqarfik Namminersorlutik Oqartussat suliffeqarfiutaanni Naalakkersuisut Ingerlatseqatigiiffiit aqutsilluarnissaannut najoqutassiaat tunngavigalugu aqunneqassaaq.

Suliffeqarfik sinnerlugu pisorta qarfik avammut kiinnertuussaaq. Suliffeqarfik pillugu tusagassiuutit aqutigalugit eqqartuinnerut oqaatigineqartartunullu allanut, suliffeqarfiup pisorta qarfia siulersuisu-nilu siulittaasoq oqaaseqartuusassapput.

## § 8

### **Suliffeqarfiup siulersuisui:**

Suliffeqarfimmi pissutsinut naleqqiullugit immikkut ittumik isumaqarfigineqarlutilluunniit annertus-silinnut, siulersuisuni oqaluuserineqarlutillu aalajangerneqartassapput. Minnerunngitsumik immikkut ittumik aningaasaliissutissat, nioqutissiornernik annertuunik nutaanik aamma/imaluunniit suliasanik pisussanik tigusinermi, arlaannik pissarsineqartillugu, akiliussisussamaataalernermi, attartorniarluni pigisanik tunuliaqtsiinermi imaluunniit pigisanik annertuunik tuniniaanerni, soorlu angallatinik illuutinilluunniit kiisalu aalajangersimagaanni nunani allani ingerlanneqartussanik aallartitsineqassasoq aatsaat pinsinnaapput siulersuisut akuersereerpata.

Pisortap suliarnik ingerlatsinissaanut siulersuisut malittarisassianik aalajangersagaliussapput, sulisunik sulilersitsinerni suliunnaarsitsinernilu atugassarititaasut ilanngullugit.

Suliaminnik ingerlatsinermi atussallugit pisariaqartitaminnik siulersuisuni ilaasortat ataasiakkaat paasissutissanik pissarsitinnegartarnissartik kissaatigisinnaavaat, aammalu suliffeqarfiup pappiaraatai uppersaatit kiisalu suliffeqarfimmi toqqorsivimmiittuutininik suliffeqarfiullu ingerlanneqarnera pillugu misissuinissaminnut tunngasut ilanngullugit.

Taamaasilluni siulersuisuni ilaasortat suliassaraat;

- 1) siulersuisut inissitsiternissaasa aalajangiilluarsinnaassuseqarnerisa kiisalu qanoq akulikitsigisunik siulersuisuni ataatsimiittarnissat qularnaassallugit,
- 2) siulersuisut pisorta qarfiullu akornanni sulianik agguataarinissanut malittarisassiat, suleriaasissat, pisinnaatitaanerit ilitsersuutillu pilersinneqarsimasut ilanngullugit aammalu aaqqissuussinerit pilersitat allat atorlugit qularnaarineq,
- 3) suliffeqarfiuteqarpat taakkua ilanngullugit, pisorta qarfiup suliffeqarfimmik aqutsinera qanoq ingerlanneqarnerisooq, siulersuisut tungaanniit qularnaakkamik nakkutigissallugu,
- 4) aktianik piginneqatigiilluni ingerlatsinermut inatsit suliffeqarfiullu ileqqoreqqusai malillugit, allattuiffinnik pilersitsillunilu atuineq aammalu allattaavissuarnut allattuinerit pillugit aalajangersaallunilu pilersitsissalluni,
- 5) suliffiup aaqqissuussaanaera, soorlu naatsorsuuseriveqarneq, suliffiup nammineq ilumini nakkutilliinermik ingerlatsinera, IT-qarnikkut aaqqissuussaaneq, missingersuusiortarnerillu isummerfigissallugit,
- 6) suliassat naammassinissaannut paasissutissanik pisariaqartunik pissarsiornerit,
- 7) pilersaarutit, missingersuutit assigisaallu malittarisallugit kiisalu suliffeqarfiup akiliisinnaassuseqarnera pillugu nalunaarutit, nioqqutissanik piniarneqarsimasunik uninngasuuteqarnera, ilionissanut pilersaarutit pingaarutillit, sillimmasiinernut attuumassutillit pingaarutillit, aningaasatit inissitsiternerat, aningaasalersuutit annertuumillu nalaannerlunneqaataasinnaasut isummerfigisasallugit, kiisalu kinaassutsimik ersersitsisuunngitsumik ilisimasamik ingerlatitseqqiiisinaanermut assigisaanilluunniit aaqqissuussineqassanersoq ilanngullugu isummerfigineqassalluni,
- 8) kukkunerisuisut oqaaseqaataat atsiornialersinnagu imarisai pillugit isummerfigissallugu,
- 9) ukiut naatsorsuiffiusut tamakkiallugit, piffissani aalajangersimasuni naatsorsuutit assigisaallu missisuataartassallugit, missingersuutit taakkunungalugu sanilliussilluni inissisimaneq nalilertassallugu kiisalu suliffeqarfimmi ingerlatsineq tamaat sanilliullugu, suliffeqarfiup aningaasaatimigut upalungaarsimaneq naapertuuttumik inissisimanersoq qularnaassallugu, kiisalu
- 10) kukkunerisuinermut pisariaqartumik tunngavissaqarnissaq qularnaassallugu, avataaniillu kukkunerisuisoqartariaqarnissamut pisariaqartitsineqarnerisooq isummerfigissallugu.

Suliffeqarfiit Namminersorlutik Oqartussanit pigineqartut Naalakkersuisut Ingerlatseqatigiiffiit aqut-silluarnissaannut najoqqutassiaat tunngavigalugu, kisimiilluni piginnittut Naalakkersuisut siulittaasuata Naalakkersuisoqarfianik (Ingerlatseqatigiiffinnut allattoqarfia) ingerlaavartumik siulersuisunut siulittaasup oqaloqateqartoqartarnissaa siulersuisut qulakkiissavaat. Oqaloqateqartarnissami siunertaavoq piginnittut sinnerlugit aallartitaq Naalakkersuisut siulittaasuat Kalaallit Nunaanni inuiaqatigiinni politikkikkullu aqutsinermut tunngatillugu naleqquttumik aalajangiissatilluni tupaallannartunik siumugaqannginnissaa taamalu ililluni inuiaqatigiinni Nunattalu politikkikkut aqunneqarneranut Naalakkersuisut siulittaasuat aalajangiisinaallualersinneqarluni. Oqaloqatigiinneq ima siusitsigisumik pissassaaq Naalakkersuisut siulittaasuat paasissutissinneqarnerminut tunngasunik aalajangiinissaanut piffissalerluarneqartassalluni.

Siulersuisut inuiaqatigiinni akisussaaqataanermi politikkeqassapput (CSR), kiisalu CSR-erimi periusissiat suliffeqarfimmi atuutsinneqalernissaat tunngavissiiinissaallu qulakkiissallugu.

Suliffeqarfiup CSR-imik politikkaa suliffeqarfiup nittartagaatigut saqqummiunneqarnissaa siulersuisut qulakkiissavaat kiisalu suliffeqarfiup ukiumut nalunaarutaanut bilag-itut ilannguttassallugu.

Ammasuutitsinissaq paasiuminartuutitsinissarluk pillugit siulersuisut politikkeqassapput. Tamatumani Ingerlatseqatigiiffiit Namminersorlutik Oqartussanit pigineqartut aqutsilluarnissaannut najoqqutassat taaneqartuni, pingaarumik paasissutissat suliffeqarfiup nittartagaatigut pissarsiarineqarsinnaasut Inuussutissarsiornermut Aqutsisoqarfimmit pineqarsinnaasut eqqarsaatigalugit, kiisalu ukiumut akissarsiat akissarsiallu tamaasa katinneri kiisalu suliffeqarfimmi aqutsisut (siulersuisut aamma pisortaqarfik) pillugit nalinginnaasumik paasissutissat ukiumoortumik nalunaarummi ilanngullugit paasissutissiissutigineqartassallutik.

Arnat angutillu naligiisitaanissannut ileqqoreqqusat tunngavigalugit suaiaassutsit ikinnerussuteqartut qanoq amerlatiginissaannik siulersuisut anguniagassiissapput kiisalu suliffeqarfimmi pisortatut sulisut akornanni suaiaassutsit ikinnerussuteqartut amerlinissaat siunertaralugu politikkisamik suliaqassallutik.

Pisortaqarfiup ingerlatsinera pillugu § 12-imi nassuiarneqartup, pisortaqarfimmi ilisimaneqarnissaa malinneqarnissaalu, siulersuisut aamma qularnaassavaat.

Siulersuisuni siulittaasoq, siulersuisut sinnerlugit avammut siulersuisullu tungaannut sinniisuuvoq. Pisortat oqartussaaffiini naammassineqartussatut piumasaqaatit, inatsisini aammalu suliffeqarfiup ileqqoreqqusaani ataatsimeersuarnermi akuerineqarsimasuni maannakkullu suleriaatsimi matumani allasimasut, ukiumut nalunaarutip kukkunersuiisuniit oqaaseqaatitallip atsiorneqarsimasup, piffissaagalartillugu Inuussutissarsiornermut Aqutsisoqarfimmut akileraarnermullu oqartussaasunut nassiuunneqarsimanissaa siulersuisuni siulittaasup nakkutigisussaavaa.

Siulersuisuni ataatsimiittoqartassasoq aammalu oqaluuserineqartussatut immikkoortut allasimasut naammassillugit oqaluuserineqartassasut siulersuisuni siulittaasup akisussaaffigai.

Suulluunniit siulersuisuni susassaqaarfigineqartut tamaasa, siulersuisuni ilaasortat tamakkerlutik ilisimassagaat, siulersuisuni siulittaasumit akisussaaffigineqassapput.

Pisortaqarfillu suliffeqarfiup sulisuinut ilitsersuutinik assigisaannillu kisimi atulersitsinissamut pisinnaatitaavoq.

Piginnittut allasimaffiannik suliffeqarfimmiittoqarnissaa aammalu suliffeqarfiup aktiat pigisaasa sumi nalunaarneqarsimanissaat, pisinnaatitaaffiit pisussaaffiillu taakkununga atuumassutillit ilanngullugit, siulersuisut isumagisassaraat.

Suliffeqarfissuaq ataatsimut tamaat isigalugu pingaarutillit suliffeqarfiutigisat siulersuisuinut siulersuisut ilisimatitsissutigisussaavaat. Kiisalu nammineq suliffeqarfiutigisanut pissutsit pingaarutillit tamarumik, taakkua siulersuisuinut ilisimatitsissutigineqartassapput.

Suliffimmut aammalu suliffeqarfissuarmut sinniisuunissamut malittarineqartussiat naapertorlugit, sulisut pisortaqarfimmiit ilisimatinneqartarnissaat, siulersuisut isumagititassaraat.





Siulersuisut katitigaanerisa nalilersorneqarnissaat ikinnerpaamik ukiumut ataasiarluni pisarnissaa siulersuisut siulittaasuata isumagitissavaa, tamatumani siulersuisut tamarmiusut ilaasortallu ataasiakkaat suliaqarnerat piginnaaneqarnerat ilanngullugu nalilersorneqartassalluni, aamma suliffeqarfiup angissusaanut suliaanullu sanilliullugu siulersuisuni ilaasortat amerlassusaat naleqqunnersoq. Nalilersuineq siulersuisut peqatigalugit sammineqartassaaq Ingerlatseqatigiiffinnut Allattoqarfimmut tunniunneqartassalluni.

## § 9

### **Siulersuisunut ilaasortanut akissarsiarititat ilassinninnermilu aningaasartuutit:**

- 9.1 Siulersuisut akissarsiassaat ataatsimeersuarnermi aalajangersarneqartassaaq.
- 9.2 Tamatuma saniatigut siulersuisunut ilaasortat suliaminnik ingerlatsinissaanni aningaasartuutit suliffeqarfiup akilertassavai, tamatumani angalanerit najugaqarnermilu aningaasartuutit ilanngullugit.
- 9.3 Siulersuisut ataatsimiinnissaanni assingusunilu pisussani suliffeqarfissuup allattoqarfia nalinginnaasumik aaqqissuussisarpoq. Ilaasortat ataasiakkaat namminneq akiliisimatillugit aningaasartuutigisimasai akiligassiarinerisigut utertinneqartarput.
- 9.4 Akissarsiaritinneqartup saniatigut siulersuisut siulittaasuata oqarasuaataanut inernetsimillu atui-neranut aningaasartuutit suliffeqarfiup akilertarpai, kiisalu siulersuisut siulittaasuannut ilaasortallu sinnerinut oqarasuaammik angallattakkamik, Ipad-imik assingisaanilluunniit peqartitsisoqarsinnaavoq.
- 9.5 Siulersuisut ilassinnissutissanik aningaasanik aalajangersimasumik atugassaqartinneqanngillat, tassami suliffeqarfiup niueqatigisartagaanik ilassinninnerit pisortaqarfiup nalinginnaasumik ingerlattarmagit.
- 9.6 Siulersuisut siulittaasuata nammineq nalilikkaminik KNI A/S sinnerlugu ilassinnissimaguni aningaasartuutaasimasut akiligassiarinerisigut utertinneqarsinnaapput.
- 9.7 Utertitsinissami ilanngaatiginninnissami uppernaasiinermut akileraartarfiup malittarisassai equutsinneqassapput, tassa aningaasartuutit suliffeqarfik sinnerlugu akilernerqarsimaneri nalunaarneqassapput kiisalu ilanngullugit allanneqassapput sooq akiliussisoqarsimanersooq, akiliunneqartoq niuernikkut qanoq KNI A/S-imut attuumanersooq neriniartarfinnullu neriarortoqarsimappat neriartoqataasut atii tamarmik nalunaarneqassallutik.

## § 10

### **Pisinnaatitaaneq sinniisutullu aallartitat:**

Aktianik piginneqatigiilluni suliffeqarfinnik ingerlatsineq pillugu inatsimmi § 135, imm. 5, naapertorlugu, siulersuisuni ilaasortat ataasiakkaat imaluunniit arlallit pisinnaatitaaffilerneqarnermikkut, siulersuisuni ataatsimoorluni apeqqutit ataasiakkaat oqaluuserineqartussaagaluit taakkua suliarissagaat siulersuisunit pisinnaatinneqarsinnaapput. Taamaattorli sulluunniit suliffeqarfimmi ataatsimut ingerlatsinermut attuumassutillit, taakkunungalu ilanngullugit apeqqutit § 2-mi ataatsimiittarnissani taaneqartut, qulaanisut pisinnaatitaaffeqartinneqarsinnaanngillat.

Apeqqut apeqqutilluunniit aqutsinermi ataatsimiititalianut komiténulluunniit suliakkiunneqarpata, ataatsimiititaliat komitélluunniit suliaasa annertussusaat apeqqutaatillugu, suliaat ukiumoortumik nalunaarusiassamut ilanngunneqassanersut siulersuisut aalajangissavaat. Ataatsimiititaliani peqataaneq pisassaaq peqataasinnaanermi aaljangersakkat kiisalu Ingerlatseqatigiiffiit Namminersorlutik Oqartusani pigineqartut aqutsilluarnissaannut najoqutassiaat malittaralugit. Aamma taakku atuupput kukkunerisuisut ataatsimiititaliaanni, toqqaasussanik ataatsimiititaliami akissarsiarititallu pillugit ataatsimiititaliami.

## § 11

### **Siulersuisut kiffaangissuseqarnerat:**

Siulersuisuni ilaasortat sulisut toqqagaat eqqaassanngikkaanni, siulersuisuni ilaasortat sinnerinut namminneq suliffiutiminnut niuernermt imaluunniit sulisorineqarnerminnut nalinginnaasumik attuumassuteqanngitsunik, suliffeqarfimmut sulissussisinnaanngillat, aatsaalli taamaaliortoqarsinnaalluni siulersuisuni ataatsimoorluni suliassat immikkorluinnaq ittumik akuersissutigineqarsimappata. Akuersissuteqarsimappallu akuersissut taamaattoq kinaassusersiunngitsumik tunngaveqartinneqassaaq.

Suliffeqarfimmut taassumalu suliffeqarfiutaanut niuernermt attuumassutilimmik nuussineqarsimappat, siulersuisuni ilaasortat ataasiakkaat tamarmik pisoq pillugu ilisimatitsissuteqarnissaminnut pissaatitaapput.

Siulersuisunut ilaasorta q nammineersinnaassuseqassaguni:

- a) Suliffeqarfimmi aqutsisutut, ukiuniluunniit kingullerni marlunni aqutsisutut, suliffeqarfimmiluunniit attuumassuteqarfigisami aqutsisutut sulisimassanngilaq
- b) Suliffeqarfimmiit/suliffeqarfissuarmit suliffeqarfimmiilluunniit piginneqataaffigisamit siulersuisuni ilaasortatut akissarsiaritinneqartumit anginerusumik akissaaserneqarsimasuussanngilaq
- c) Suliffeqarfiup kukkunerisuisuattut imaluunniit ukiuni kingullerni marlunni suliffeqarfiup kukkunerisuisuattut sulisimassanngilaq
- d) Suliffeqarfimmi allami suliffeqarfimmut aqutsisunut attuumassuteqarfiusumi pisortasimassanngilaq
- e) Ukiunit qulingiluanit sivirusunerusumik siulersuisuni ilaasortaasimassanngilaq
- f) Inunnik namminneersinnaanngitsunik qanimut ilaqutaqassanngilaq.



## § 12

### **Pisortap siulersuisuni ataatsimeeqataasarnera:**

Suliffeqarfiup pisortaa siulersuisuni ataatsimiinnerit tamaasa peqataasartussaavoq, kingullermillu ataatsimiinnerup kingorna suliffeqarfimmi pisimasut nalunaarutigalugit saqqummiuttartussaallugit, kisiannili imminut tunngasut eqqartorneqassatillugit, pisortaq ataatsimiiffimmik qimatsisussaavoq.

Pisortaq siulersuisut allatseqarnissaannut akisussaasuvoq.

## § 13

### **Suliffeqarfiup pisortaqarfia:**

Siulersuisut ileqqoreqqusat malillugit pisortaqarfimmik pilersitsissapput, ataatsimiit pingasut angulugit pisortalimmik, taakkualu arlaat pisortaanertut inississaaq.

Suliffeqarfiup ulluinnarni aqunneqarnera pisortaqarfimmit isumagineqassaaq, malittarisassat aammalu innersuussinerit siulersuisut atortussanngortitaat malillugit ingerlatsisussamik. Malinneqartussallu tamakkua pisortaqarfimmi atorfinitsitsinermi isumaqatigiissutini, pisortanut ilitsersuutini imaluunniit ilitsersuutini allani siumugassaasariaqarput.

Suliffeqarfimmut naleqqiullugu, pisussanut immikkorluinnaq pingaaruteqartussanut, aammalu siulersuisuni aalajangiussap taamatut itup akissutisiffiginissaa suliffeqarfimmut annertuumik akornutaasussaannngitsutut isumaqarfigineqarpat utaqeqqaartariaqaranilu, pisortaqarfik suliassamut taamaatumut suliaqarnissaanik pisinnaatinneqarsinnaavoq. Taamaattoqassappallu pisortaqarfiup sulariniagaa sulareriigaaluunniit, utaqqisitsinani siulersuisuni ilaasortat sinnerinut piaarnerpaamik, siulersuisuni siulittaasumit ilisimatitsissutigineqassaaq.

Naatsorsuutitut nalunaarsuinerit pillugit malittarisassianut naapertuuttumik, suliffeqarfimmi naatsorsuutit nalunaarsuisoqartarnersoq aammalu pigisanik nalilinnik isumaginninneq toqqissisimanartumik ingerlanneqarnersoq, pisortaqarfiup isumagisussaavaa.

Suliffeqarfiup aningaasaqarnera pillugu, pisortaqarfik suliffeqarfiup siulersuisuinit nalunaarusiortartussaavoq aammalu suliffeqarfimmi pissutsit, pilersaarutit imaluunniit allanut attuumassutillit suliffeqarfimmut kinguneqapiluttumik nalaanneqaataasinnaasut annertuumilluunniit akilersorneqartariaqalersinnaasut pillugit, pisortaqarfik tamakkiisumik paasissutissiisassaaq.

Pissutsit suulluunniit suliffeqarfimmik ingerlatsinermi pingaarutillit, pisortaqarfiup ulluinnarni sularisanik ingerlatsinermini ilisimalersimasai, nalaannerlunneqaataasinnaasut naalaannerlunneqarnermilu aqutsinissamut siunnersuutit ilanngullugit, pisortaqarfimmiit ataavartumik siulersuisunut ilisimatitsissutigineqartassapput.



## § 14

### **Suliffeqarfissuarmi pissutsit:**

100 %-imik pigalugit suliffeqarfiutigisat ataatsimeersuarnermi suliffeqarfiutigisat taakkua suliffeqarfimmi matumani siulersuisut sinnertassavaat.

Suliffeqarfiutigisat piginneqataassutini 100 %-imik suliffeqarfimmit pigineqanngippat, suliffeqarfiutigisami ataatsimeersuarnermi, suliffeqarfimmi siulersuisuni siulittaasooq sinniisutut ataatsimeeqataasaaq.

Siulersuisuni siulittaasumit pissutsit suliffeqarfiutigisanut attuumassutillit tamakkerlugit siulersuisunut tamanut ilisimatitsissutigineqartassapput.

Ilisimatitsissutit paasissutissallu tamarmik suliffiutigisanut attuumassutillit pissarsiarineqartarnersut, ukiumut nalunaarutit, ataatsimeersuariaqqusinerit assigisaallu, aammalu allat suliffeqarfissuarmilu pissutsinut pingaarutillit ilanngullugit, siulersuisut isumagisassaraat. Kiisalu suliffeqarfiutigisanik ingerlatsineq unioqquitsinerunnginnersoq aammalu suliffeqarfiit pillugit siulersuisuni ilaasortaata ikinnerpaaffissaannik amerlassuseqartinneqarnersut, pisortaqaqarnernerisut, kukkunerisuisoqarnersut aningaasaateqarnissaannullu piumasaaqatit eqqortinneqarnersut ilanngullugit, siulersuisuni aamma isumagineqartussaapput.

## § 15

### **Ataatsimeersuarnerit:**

Inatsisini piffissarititaasutut allanneqarsimasut malillugit ataatsimeersuarnerit ingerlanneqassasut siulersuisut isumagisassaraat, kiisalu ataatsimeersuarnissamut pappiaqqat pisariaqartinneqartut, ukiumut nalunaarut malittarisassanullu allannguutissanik siunnersuutissaqartoqarpat, siunnersuutit piffissaagallartillugu misissorneqartussiaralugit saqqummiunneqarsimanissaat aamma siulersuisut isumagisassaraat.

Piginnittut piffissaagallartillugu ataatsimeersuariaqquneqarnissaat siulersuisut isumagisassaraat.

Ataatsimeersuortoqarnissaa tamatigut sioqqullugu, ileqqoreqqusani § 8 naapertorlugu, ataatsimeersuarnissami aqutisussamik siulersuisut toqqaasimassapput.

Pappiara pisinnaatitsissut atorlugu ataatsimeersuarnerit naammassineqartussaattillugit, pissutsit pisinnaatitsissummut attuumassutillit takussutissiarinissaat, siulersuisut isumagisassaraat.

## § 16

### **Missingersuusiorneq:**

Ukiumut naatsorsuusiortimmuq tullinnguuttumut attuuttussamik, angusarineqartussanik, oqimaaqati-giissitsinermik akiliisinnaassuseqarnerlu pillugit imalimmik, ukiut tamaasa, kingusinnerpaamillu martsimi, missingersuusiornissaq siulersuisut suliarisassavaat.



## § 17

### **Ukiumoortumik nalunaarut:**

Ukiunut nalunaarummut siunnersuut, pisorta qarfimmik kukkunersiuisumut saqqummiutassanngorlugu ima siusinaartigisumik suliarineqarsimassaaq, ukiup naatsorsuusiorfiusup naaneraniit qaammatit pingasut qaangiutsinnagit nalunaarut kukkunersiorsimasooq, kukkunersiuisumiit siulersuisunut anngunneqarsimassalluni. Ukiunut nalunaarutip suliarineranut ilutigitiillugu, suliffeqarfiup aningaasaqarnermigut inissisimanerata nalunaarusiornissaa aammalu ukiumi naatsorsuusiorfiusumi qaangiuttumi suliffeqarfiup ingerlasimanerata aamma nalunaarusiarinissaa, siulersuisunit isumagineqassapput.

Ukiunut nalunaarusiornissaaq pillugu inatsimmi aalajangersakkat malillugit ukiumut nalunaarut iluilerneqarsimanersooq siulersuisut nakkutigisassaraat.

Ukiup naatsorsuusiorfiusup naaneraniit, piaarnerpaamik aammalu qaammatit pingasut qaangiutsinnagit siulersuisuni ataatsimiinnermi, ukiumut nalunaarut kukkunersiugaq saqqummiunneqassaaq.

Ukiunut nalunaarummi saqqummiunneqartut naapertorlugit, sinneqartoorutit atornissaat imaluunniit taakkua amigartoorutitut matussutissatut atorneqassanersut, ukiumut nalunaarutip saqqummiunneranut tunngatillugu, siulersuisut aalajangiiffigissavaat.

Taamatut pisoqareerpat, ukiumoortumik nalunaarut ukiumullu nalunaarusiaq siulersuisuni ilaasortanit atsiorneqassaaq.

## § 18

### **Ukiup affaanut nalunaarut:**

Naatsorsuutit ukiup naatsorsuusiorfiusup qaammataani siullerni arfinilinneersut, ukiup affaanut nalunaarusiornikkut siulersuisuni akuerisassanngorlugu suliffeqarfiup pisorta qarfia ukiut tamaasa saqqummiussisassaaq.

Ukiunut nalunaarusiornermi tunngaviusumik piunasaqaatit malinneqartartut naapertorlugit, ukiup affaanut nalunaarusiaq suliarineqartassaaq.

## § 19

### **Nalunaarusiornerit:**

Aktianik piginnittunut nalunaarutigineraniit, kingusinnerpaamik sapaatit akunnerisa marluk qaangiunneranni suliffeqarfimmik ataatsimeersuaqqusineq pillugu ilisimatitsissut, Inuussutissarsiornermut Aqut-sisoqarfimmut nassiunneqassasoq, siulersuisut isumagisassaraat.

Ataatsimeersuortoqareernerup kingorna kingusinnerpaamik sapaatit akunneri marluk qaangiutsinnagit, ataatsimeersuarnermi imaqarniliap Inuussutissarsiornermut Aqut-sisoqarfimmut nassiunneqarnissaa siulersuisunit isumagineqassaaq.



Aammalu ataatsimeersuarnermi ukiumut nalunaarummik akuersissuteqarfiusumi kingusinnerpaamik sapaatit akunneri marluk qaangiutsinnagit, ukiumut nalunaarutip akuerisap Inuussutissarsiornermut Aqutsisoqarfimmut nassiunneqarnissaa, siulersuisut isumagisassaraat.

Kiisalu aamma ukiup affaanut nalunaarutip akuerisap assilinera, nalunaarutip taassuma akuerineraniit kingusinnerpaamik sapaatit akunneri marluk qaangiutsinnagit, Inuussutissarsiornermut Aqutsisoqarfimmut nassiunneqarnissaa, siulersuisut isumagisassaraat.

Pissutsinik pingaarutilinnik suliffeqarfiup siunissaanut, sulisuinut, aktianik piginnittuinut akiligasaqarfinnut kiisalu Inuussutissarsiornermut Aqutsisoqarfiup tamakkua pillugit inatsisiliaani aalajangersakkat malinneqarnersut, piaarnerpaamik Inuussutissarsiornermut Aqutsisoqarfimmut ilisimatitsissutiginnissaat, siulersuisunit qulakkeerneqartussaavoq.

Suliffeqarfiup aktiatigut aningaasaataasa, nioqqutissat uninngasuutit katillutik annertussutsimikkut ikinnerpaamik 2 % annertussuserilerpassuk imaluunniit uninngasuutini allannguinerit pissutigalugit, allannguutit annertussusiat aktianik aningaasaatit annertussusianni appasinnerpaamik 2 %-imik inissimalerpat, piaarnerpaamik Inuussutissarsiornermut Aqutsisoqarfimmut ilisimatitsissutiginnissaat, siulersuisunit isumannaarneqassaaq.

Suliffeqarfiup aningaasaqarneranut sunniuteqartussanik aammalu pingaarutilittut sunniuteqassangatit, ineriartornermi pingaarutillit imaluunniit angusat ineriartorerannut allannguutit, Naalakkersuisut aqputigalugit Kalaallit Nunaanni Namminersorlutik Oqartussanut ingerlateqqinneqarnissaat, siulersuisunit isumagineqassaaq. Kiisalu aamma inuiaqatigiinnut imaluunniit inuiaqatigiit aningaasaqarnerannut pingaaruteqartussat isumaqarfigisat imaluunniit pingaaruteqartussat allat pillugit, sulianik suliffeqarfimmut attuumassuteqartunik, Naalakkersuisut aqputigalugit, paasissutissat tamakkerlugit Kalaallit Nunaanni Namminersorlutik Oqartussanut piaartumik ingerlateqqinneqarnissaat, siulersuisut isumagisassaraat.

## § 20

### **Kukkunersiusut:**

Ukiumut naatsorsuutit siulersuisuni ataatsimiissutigitillugit, ilaatigut ukiumut naatsorsuutit nalunaarullu nammineq kukkunersiusutut isummani malillugu, suliffeqarfiup aningaasaqarnermigut inissimaneranut paasissutissanik pisariaqartinneqartunik imaqarnersoq oqaaseqarfigissallugu, kukkunersiusoq ataatsimiiffimmiissaaq.

Siulersuisuni ataatsimiinnerni kukkunersiusup najuunnissaa, siulersuisuni ilaasortat ataasiakkaat tamakkerlutik piumasarisinnaavaat.

Kukkunersiorneqartussat annertussusissaat siulersuisunit kukkunersiusuinillu allaganngorlugu isumaqatigiissutigineqassaaq.

Nalunaarusiortoqartassasoq siulersuisut aamma qularnaagassaraat, suliffeqarfiutigisat ilanngullugit, aammalu nalunaarusiarineqartut ima siusinaartigisumik kiisalu ima pitsaatigisumik suliarineqarsi-masut siulersuisuni tiguneqartassapput, siulersuisuni tamakkiisumik aalajangiinissamut akornutaasus-saajunnaarlugit. Kiisalu nalunaarusiornerminnut tunngatillugu tunuliaqutaasup qanoq ittuunera, kuk-kunersuisut nassuiaateqarfigissavaat.

Peqquserluuteqarsinnaanerit atornerluisoqarsinnaaneralu pinngitsoortikkumallugit, nakkutilliineqarlu-nilu isumannaallisaaqarnissaa siulersuisuniit kukkunersuisunut piumasarineqassaaq.

Ukiumut naatsorsuutit siulersuisuni ataatsimiissutigitillugit, suliffeqarfiup nammineq iluani kukkuner-siuisoqarnissamut pisariaqartitsineqarnersoq, suliffeqarfiup kukkunersiuisua peqatigalugu siulersuisu-nit ukiut tamaasa naliliiffigineqartassaaq. Naliliinerullu inerneru suliffeqarfiup allattaavissuanut ilan-ngunneqartassaaq.

Siulersuisut, siulersuisut siulittaasorisinnaavaat kukkunersiuinermilluunniit ataatsimiititaliaq, ikinner-paamik ukiumut ataasiarlutik suliffeqarfiup pisortaqaarfiata peqataaffiginngisaanik ataatsimiittassapput.

Suliffeqarfiup naatsorsuutaanik, suliffeqarfimmi naatsorsuutininut nalunaarsuisarneq pillugu aammalu suliffeqarfiup pigisaanik nalilinnik isumaginninneq, kukkunersiuisunit nammineq aammalu isornartus-sarsiorluni ingerlanneqarnersoq, siulersuisut qularnaagassaraat, kiisalu pissutsinik siulersuisunut nalu-naarutigineqartariaqartunik peqarpat, kukkunersiuisut oqaaseqaataannut toqqaannartumik ilanngus-sinikkut imaluunniit siulersuisuni siulittaasumut allatut aamma toqqaannartumik saaffiginnissuteqar-nikkut ilisimatitsineqassaaq.

Kukkunersiuisoq maanaannaq tunuassappat aammalu taassuma sinniisissaanik toqqaasoqarsimanngip-pat, kukkunersiuisup tunuarniarluni nalunaarneraniit ullut arfineq-pingasut qaangiutsinnagit, nutaamik kukkunersiuisussamik toqqaanissamut ataatsimeersuariaqqusinnissaq siulersuisunit isuma-gineqassaaq.

Suliffeqarfiup kukkunersiuisua naalagaaffimmit akuerisaasuusaaq.

Suliffeqarfimmik aqutsilluarneq pillugu kaammattuutininik siulersuisut alaatsinaattussaapput, suliffeqar-fiup kukkunersiuisuanik taarsiinissap ataavartumik naliliiffiginissaa pisariaqarnersoq ilanngullugu. U-kiuumoortumik ataatsimeersuarnissaq sioqqullugu siulersuisuni ataatsimiinnermi, kukkunersiuisoq nan-gilluni ingerlaannassanersoq siulersuisuni naliliiffigineqartassaaq. Naliliineq allattaavissuarmut ilan-ngunneqassaaq.

Kukkunersiuisup aningaasartuutai, kukkunersiuisup suliamigut naammassisaanut naapertuunnersut si-ulersuisuni malittarineqassapput, aammalu taakkua niuernermi atugassarititaasunut naapertuutissapput.

## § 21

### **Kukkunersiuisut oqaaseqaataat:**

Kukkunersiuisumit oqaaseqaasiarineqarsimasoq, siulersuisuni ataatsimiinnerit tamaasa ataatsimiiffim-miitinneqartassaaq.



Ukiunut nalunaarut pillugu aammalu piffissani aalajangersimasuni misissuinerit pillugit nassuiaa-  
nertut kukkunersuisut nalunaarusiaat, karsinik misissuinerit ilanngullugit, kukkunersuisut oqaase-  
qaataannut ilanngunneqartassapput. Kukkunersuisullu oqaaseqaataannut ilanngussinerit tamaasa, ilan-  
ngunneqartut imaasa aammalu imaqarniliamat isumartik ilanngunneqassanersoq, siulersuisuni isum-  
merfigineqartassapput.

Oqaaseqaatip imarisaanik ilisimanninnertik uppersarniarlugu, siulersuisuni ilaasortat tamakkerlutik  
oqaaseqaatini atsiussapput.

## § 22

### **Nipangiussisussaataaneq:**

Siulersuisuni ilaasortaannerminni ilisimalikkaminut sunulluunniit siulersuisuni ilaasortat nipangiussi-  
sussaataaapput, tamannali atuutinngilaq pissutsinut aalajangersaavigineqareersimasunut tunngatillugu,  
imaluunniit inatsisitigut avammut saqqummiunneqartussanut killilersugaanngitsunut.

Nipangiussisussaataanermik unioqutitsineq, eqqartuussisoqarnikkut kalaallit inatsisaat nalinginnaa-  
sut malillugit, unioqutitsisumut kinguneqartitsissutaasumik taarsiissuteqarnissamut pisussaaffilerne-  
qaataasinnaavoq.

Nipangiussisussaataanerup atuuffia killeqanngilaq, aamma siulersuisuni ilaasortaajunnaareeralua-  
raanniluunniit.

Ilaasortaq tunuaruni atortussat suulluunniit pissarsiarisimasani anngigineqartussat tamaasa, arlalin-  
ngorlugillu tunniunneqarsimappata taakkua tamaasa ilanngullugit, piaartumik siulersuisuni siulittaa-  
sumut utertillugit tunniutissavai.

## § 23

Siulersuisuni suleriaaseq allannortittariaqalersoq siulersuisuni isumaqarfigineqarpat allannortitsine-  
qarsinnaavoq, allannguinerillu siulersuisuni ataatsimiinnerni tulleriinni marlunni aalajangiiffigineqas-  
sapput.

Suleriaatsip matuma allassimaqqaarfia, siulersuisut allattaavissuani allassimaqqaarfiusut, suliffeqarfi-  
up ileqqoreqqusaasa allassimaqqaarfiusut, piginnittutut nalunaarsuiffiup allassimaqqaarfiusut (aktie-  
bog) aammalu ukiumut nalunaarutini allassimaqqaarfiusut assigalugit suliffeqarfiup najugaqarfianii-  
tineqassaaq.



ooo0oo

Taamaalilluni siulersuisut 15. august 2022 ataatsimiimmata akuerineqarpoq.

---

Inger Eriksen, siulersuisuni siulittaasoq

---

Annette K. Sadolin, siulersuisuni ilaasortaq

---

Lone Møller Olsen, siulersuisuni ilaasortaq

---

Michael Skourup, siulersuisuni ilaasortaq

---

René Fleischer, siulersuisuni ilaasortaq

---

Tønnes Berthelsen, siulersuisuni ilaasortaq

---

Dorthea Isaksen  
Siulersuisuni ilaasortaq sulisut qinigaat

---

Jonas Aronsen  
Siulersuisuni ilaasortaq sulisut qinigaat

---

Majaq Heilmann  
Siulersuisuni ilaasortaq sulisut qinigaat